



Sarajevo, 30. januar 2020. godine

- SAOPŠTENJE ZA MEDIJE -

Centar za sigurnosne studije četvrtu godinu zaredom najbolje rangirani istraživački centar iz Bosne i Hercegovine

Univerzitetu u Pensilvaniji (SAD), u okviru Programa za istraživačke centre i civilno društvo, na godišnjem nivou objavljuje "**Global Go To Think Tank Index Report**", rang listu vodećih svjetskih istraživačkih centara.

Već četvrtu godinu u nizu, Centar za sigurnosne studije (CSS) najbolje je rangirani istraživački centar iz Bosne i Hercegovine te se nalazi na 41. mjestu u kategoriji think tank-ova iz Centralne i Istočne Evrope.

Univerzitet u Pensilvaniji uzima u obzir podatke o 6.500 istraživačkih centara iz cijelog svijeta te rangira najbolje na osnovu više kategorija, kroz proces ocjenjivanja od 1.796 institucija i eksperata iz printanih i elektronskih medija, akademske zajednice, javnih i privatnih donatorskih institucija te vlada širom svijeta. Kriteriji na osnovu kojih se vrši rangiranje su kvalitet; posvećenost i ugled rukovodstva te zaposlenika; odnos s kreatorima politika; mogućnost za kreiranje novih znanja i alternativnih ideja; broj i doseg istraživanja te analiza; medijska vidljivost; upotreba društvenih mreža u cilju povezivanja s donosiocima odluka, novinarima i javnošću; te uticaj na društvo. Broj istraživačkih centara s područja Balkana koji su dospjeli na rang listu je mali. Od ukupnog broja istraživačkih centara koji djeluju na području BiH, nominovano je ukupno 13, od kojih su 6 rangirani na rang listi najboljih 'think tank-ova' iz Centralne i Istočne Evrope.

"Biti među vodećim svjetskim istraživačkim centrima velika je čast i odgovornost. Činjenica da smo četvrtu godinu zaredom ocijenjeni kao najbolji istraživački centar iz Bosne i Hercegovine za nas je značajno priznanje rezultata dugogodišnjeg rada, kao i motivacija za održavanje kvalitete rada u budućnosti", navodi generalni sekretar CSS-a, Benjamin Plevljak.

Internet stranica Programa za istraživačke centre i civilno društvo:

<http://repository.upenn.edu/ttcsp/>

Cjelokupni izvještaj o procesu rangiranja i sa svim rang listama:

https://repository.upenn.edu/cgi/viewcontent.cgi?article=1018&context=think_tanks